

# 30 Mac sebutan semula kes lelaki didakwa bunuh kanak-kanak OKU

**KUCHING:** Seorang lelaki didakwa di Mahkamah Majistret Bau di sini, semalam atas tuduhan membunuh seorang kanak-kanak perempuan kelainan upaya (OKU) berusia enam tahun pada hujung tahun 2022.

Bagaimanapun, tiada pengakuan direkodkan daripada Then Chiew Yern, 35, selepas pertuduhan dibacakan terhadapnya di hadapan Majistret Syarifah Fatimah Azura Wan Ali.

Mahkamah menetapkan tarikh sebutan semula kes pada 30 Mac 2023 setelah membenarkan permohonan yang dikemukakan pihak pendakwaan iaitu Pengarah Pendakwaan Negeri Sarawak Shahrizat Ismail.

Dalam permohonannya, beliau memohon ditetapkan satu tarikh baharu untuk sebutan lanjut sementara menunggu laporan bedah siasat, kimia dan perubatan tersedia.

Tertuduh dalam pada itu tidak ditawarkan sebarang jaminan dan direman lanjut di Penjara Puncak Borneo sehingga tarikh tersebut.

Mengikut pertuduhan, Then didakwa membunuh anak bongsu teman wanitanya di sebuah rumah tidak bernombor di Kampung Keranji, Siniawan, pada 20 November 2022 sekitar jam 7 malam.

Dia didakwa mengikut Seksyen 302 Kanun Kesejahteraan yang membawa hukuman gantung sampai mati, jika sabit kesalahan.

Terdahulu, Ketua Polis Daerah Bau DSP Poge Nyaon dalam kenyataan berkata, tertuduh telah memukul mangsa sehingga tidak bernyawa dan membuang mayat mangsa di kawasan semak di Kampung Keranji.

Susulan itu, satu laporan polis dibuat pada 21 Disember dan Jabatan Siasatan Jendaryah (JSJ) Ibu Pejabat Polis

Kontinjen (IPK) Sarawak berjaya menangkap tertuduh di sebuah tempat menjual komponen kenderaan di Jalan Laksamana Cheng Ho, Kuching pada 4 Januari.

“Sekitar jam 6.45 petang pada 4 Januari, polis yang dipandu arah suspek (tertuduh) telah pergi ke lokasi mayat mangsa dibuang.

“Ibu mangsa turut dibawa ke lokasi dan dia mengesahkan bahawa mayat tersebut adalah anaknya berdasarkan pakaian dan anak patung yang dipegang oleh mangsa,” katanya dalam satu kenyataan pada 5 Januari lalu.

Mayat mangsa seterusnya dibawa ke Jabatan Perubatan Forensik Hospital Umum Sarawak (HUS) untuk tinjakan selanjutnya.

Dalam pada itu difahamkan, ibu mangsa yang berusia 34 tahun yang terdahulunya ditangkap untuk siasatan lanjut kini dijadikan sebagai saksi pendakwaan.